

Kanatami/Aviktuqhimayuni/Nunaptingni Ministat Munariyakhait Qanurilinganinginnut Arnat Katimanahuaqtut Nunavunmi

IQALUIT, Nunavut, Julai 11, 2007 – Kanatami/Aviktuqhimayuni/Nunaptingni (FPT) Ministat Munariyakhait Qanurilinganinginnut Arnat iniqtaat 26-nguyuuq katimanitik ukiurmi, angiqhutik akhuuritigiyaangani arnat maniliurnikhait inmi pihimayaangani, aannirnainnialu iqhiyariittumiglu, havaarilugulu tikitakhatik ihuaqhiyaangani inuuniit qanuq Inuit, Aallailu Métis-lu arnat Kanatami.

Katimaniq ikhivautaqaqpaktuq ilagiikhutik Kanatam kavamainnit Ministaata Kanatami Iitquhiliqiyinit Qanurilinganinginnullu Arnat, Nan'ngariyauyurlu Beverley J. Oda, unalu Nunavutim Ministaata Munaqhiliqiyitkunnut Inuuhiringnirmullu unalu Ministaata Qanurilinganinginnut Arnat, Nan'ngariyauyuuq Leona Aglukkaq.

FPT-kunni Ministat tamatkiqhutik angiqtut ikayurumaplutik uuminnga *2007-mi Iqaluit Anititariyaat*, uqaqhimayuuq imaa, "Iitariplugu qilamik ihuaqhaqtakhavut inuuhit Nunaqaqqaahimayut arnat nutaqqallu, Kanatami, aviktuqhimayuni nunaptingnilu Ministat Munariyakhait Qanurilinganingiit Arnat katillutik uqariangani anititaiyaangani akhuuritikhamik ihuaqhariangani inuuhinik, maniliurutinik pitquhikkullu inuuttiarniit Inuit, Métis Nunaqaqqaahimayut arnat, uvani avatiani nunagiyarmini ahianiluunniit, Kanatami." Una akhuurutigiyaauyuuq kangiqhiyauniaqtuuq qanuriliurutaitigut atuni kavamauyut, iluani havakvigiyamini.

FPT Ministat uqautigivaktait pingahut hivulliuuyukhat havaktakhait ikayuriangani Kanatamiutanik arnanik. Hapkua hivulliuuyukhat uqautigiyait arnat maniliurutikkut inmiguurniat; piqutigiyaaq ikayaurniagut Nunaqaqqaahimayut arnanik hivuliqtiuyunik; qanurlu munariniq Nunaqaqqaahimayunik arnanik maligaliqinrmi. Ministat uqariiqhimayut ilagiiglumaplutik aallannguqtiriangani nakuuyumik arnanut tamainnut.

FPT Ministat Munariyait Qanurilinganinginnut Arnat quyagiyaat pigiaqtitautigiyauhimayut qanuriliuriangani tuhaqtitauhimayut kavamanut ilaayunit uvani qangannuaq Nunaryuami Nunaqaqqaahimayut Arnat Katimaniryuangani Newfoundland-mi Labradorimilu. Uqautuvagait akhuuquplugit ihivriuriangani hapkua uqautigiyauhimayut hanalugillu pigiaqtitautigiyauhimayut nuititauhimayut Katimaniruyamit.

Talvannga katimalraaqhutik 1981-mi, Ministat katimaqataliqtut ukiuuq tamaat ihivriurahuuqhgut ihuaqhiyaangani inuuhit arnat talvalu kangiqhitjutikhanik piplutik ihumagiyaayunut pitjutigiyaayut arnanut Kanatami, uvuunalluarlu maniliurnikkut inmiguulirnirmut, ningaqaunikkut inungnullu pitqutigiyayunut.

Katimanikhaa Kanatami/Aviktuqhimayuni/Nunaptingni Ministat Munariyakhait
Qanurilinganinginnut Arnat piyauniaqtuq Maanituupami Saptaiqa 2008-mi.

- 30 -

Kangiqhittiarumagungni, havayarlugu:

Véronique Bruneau
Tuhaqtakhaliqiyinut Titiraqti
Havakvia Ministam Kanatami Ingilraanitaliqivik
Qanurilinganinginnullu Arnatof
(819) 997-7788

Nanci-Jean Waugh
Aulapkaiyi, Tuhaqtakhaliqinirmut
(613) 995-7839

Nancy Campbell
Aulapkaiyi, Tuhaqtakhaliqinirmut
Munaqhiliqiyitkunnut Inuuhiringnirmullu
Kavamanga Nunavut
(867) 975-5714